

आकाशवाणी

खबरां पूजा वजीर कोला।

1. एनडीए नै प्रधानमंत्री नरेन्द्र मोदी होरें गी गठबंधनद । नेता चुनेआ । सरकार बनाने दी प्रक्रिया शुरू कीती। दुनिया भरै दे लीडरें प्रधानमंत्री मोदी होरें गी चंदी जित्त लेई ममारकबाद दिक्ती ऐ।
2. राष्ट्रपति द्रौपदी मुर्मू होरें निर्वमान मंत्रिमंडल गी कल रातीं धामै पर सददेआ।
3. उत्तराखंड च कर्नाटक थमां आए दे 9 ट्रैकरें दी सहस्त्र ताल कश मौत।
4. भारतीय मूल दी नासा दी अंतरिक्ष यात्री सुनीता विलियमस पैहले चालक दल बोइंग स्टारलाइनर पर सोआर होइयै जाने आले पैहली महिला बनी गेइयां न।
5. आईसीसी टी-20 क्रिकेट विश्व कप च भारत नै आयरलैंड गी 8एं विकटें कन्नै हराया।

<><><><><><>

NDA Leaders Meeting

एनडीए नेताएं इक मत कन्नै प्रधानमंत्री नरेन्द्र मोदी होरें गी अपना नेता चुनी लैता ऐ। एनडीए नेताएं कल दिल्ली च कीती दी बैठक च इक प्रस्ताह पारित कीता जेहदे च 10 बरें दरान सरकार तरफा प्रधानमंत्री मोदी हुंदी सरपरस्ती च हर क्षेत्र च होए दे विकास दा जिक्र कीता गेआ। प्रस्ताह च दस्सेआ गेआ जे देश दी जनता नै 6 दहाके मगरा त्रीह बारी परतियै कुल बहुमत आले नेतृत्व गी चुनेआ ऐ। प्रधानमंत्री होरें आखेआ जे लगातार त्रीह बारी दी सरकार आस्तै एह एतिहासक जनादेश ऐ। बैठक च फैसला लैता गेआ जे एनडीए सरकार देश दे विकास आस्तै कम्म जारी रखोग। प्रधानमंत्री हुंदे अलावा बीपेजी प्रधान जे.पी.नड्डा, केन्द्री रक्षा मंत्री राजनाथ सिंह ते केन्द्री गृहमंत्री अमित शाह होर बी खास तौरे पर बैठक च मजूद हे। एनडीए दे सैहयोगी दल तेलगु देसम पार्टी दे प्रधान एन.चन्द्रबाबू नायडू, जनता दल (यूनाइटेड) दे प्रधान ते बिहार दे मुख्यमंत्री नितिश कुमार, शिव सेना (शिंदे गुट) नेता ते महाराष्ट्र दे मुख्यमंत्री एकनाथ शिंदे, लोक जनशक्ति पार्टी (रामविलास पासवान) दे प्रधान चिराग पासवान, जनता दल (सैकुलर) दे एच.डी.कुमारास्वामी, अपना दल दी नेता अनुप्रिया

पटेल, आरएलडी दे मुखिया जयंत चौधरी, हिंदेस्तानी अवामी मोर्चा प्रधान जितन राम मांझी, जन सेना पार्टी दे नेता पवन कल्याण ते होर दुए किश प्रमुख नेता, इस बैठक दा हिस्सा बने। एहदे शा पैहले केन्द्री मंत्रिमंडल दी सिफारश पर राष्ट्रपति होरें 17मीं लोकसभा गी भंग करी दित्ता तां जे नमीं सरकार दे गठन आस्तै बत्त पदरी होई सकै।

<><><><><><><>

PM-Global

लोकसभा चुनां च लगातार त्रीह बारी जित्त हासल करने आस्तै वैश्विक नेताएं प्रधानमंत्री नरेन्द्र मोदी ते उंदी पार्टी गी बधाई दित्ती ऐ। अमरीका दे राष्ट्रपति जो बाइडेन नै इने ऐतिहासक चुनां च प्रधानमंत्री मोदी, राष्ट्रीय जनतांत्रिक गठबंधन-एनडीए ते तकरीबन 65 करोड़ मतदाताएं गी उंदी जित्त आस्तै ममारकबाद दित्ती। इक सोशल मीडियो पोस्ट च बाइडेन होरें आखेआ जे दौनें देशें बश्कार दोस्ती बधा'रदी ऐ ते दौनें देशें च भविष्य इक दुए कन्नै जुड़े दा ऐ। अमरीका दे विदेश मंत्री एंटनी ब्लिंकन होरें बी अपनी पोस्ट च प्रधानमंत्री मोदी होरें गी बधाई दिंदे होई आखेआ जे अमरीका भारत सरकार कन्नै अपनी सांझेदारी अगगे बधाने आस्तै तैआ ऐ ते भारत दे मतदाताएं गी अपने मताधिकार इस्तेमाल करने आस्तै सराह्या। बरतानिया दे प्रधानमंत्री ऋषि सुनक होरें प्रधानमंत्री मोदी होरें गी बधाई दित्ती ते आखेआ जे उंदे देश ते भारत बश्कार गैहरी दोस्ती ऐ ते अपने रिश्ते अगगे बी कायम रौंहगन। रूस दे राष्ट्रपति ब्लादिमीर पुतिन होरें बी प्रधानमंत्री मोदी गिरें गी बधाई दित्ती ऐ। उनें विश्वास जताया जे दौनें देश इक दुए दा सैहयोग कन्नै ताई प्रतिबद्ध ऐ। संयुक्त अरब अमीरात दे राष्ट्रपति शेख महोम्मद बिन जायद-अल नाहयान होरें भारत गी प्रगति ते विकास दी बक्खी लेई जाने आस्तै श्री मोदी हुंदी सफलता दी कामना कीती। कोरिया गणराज्य दे राष्ट्रपति यू सुक ये ओल होरें इक सोशल मीडिया पोस्ट च आखेआ जे चुनां दे नतीजे मोदी होरें दे बेहतरीन नेतृत्व गी दस्सदा ऐ। यूरोपीय परिषद दे अध्यक्ष चार्ल्स मिशेल होरें आखेआ जे यूरोपीय संघ भारत कन्नै रणनीतिक सांझेदारी गी मजबूत करना चांहदा ऐ।

<><><><><><><>

President

CBIC-Trade

अपरतक्ख टैक्स ते सीमा शुल्क सरबंधी केन्द्री बोर्ड सी.बी.आई.सी नै बपार गी सुवधाजनक बनाने दे जतनें च कल थमां सिद्धे निर्यातकें दे बैंक खाते च कट्टी दी फीस वापस जमा कराने दी प्रक्रिया शुरू करी दित्ती ऐ। केन्द्री खजाना मंत्रालय नै इक विज्ञप्ति च आखेआ ऐ जे निर्यातकें दे खाते च फीस वापस जमा करने दी तरीफ सार्वजनिक वित्त प्रबंधन प्रणाली पीएफएमएस राएं आटोमैटिक तरीके कन्नै होने ते इंदे च पारदर्शता बधने दी मेद ऐ।

<><><><><><><><>

Sunita William

अमरीका दी नाया अंतरिक्ष अजेंसी च भारती मूल दी अंतरिक्ष यात्रा सुनीता विलियमय होर पैहली चालक दल अभियान च बोइंग स्टारलाइनर च सवार होइयै अंतरिक्ष च उड़ान भरने आली पैहली महिला बनी गेइयां न। उंदे कन्नै बुच विल्मोर बी हे। 57एं ब'रें दी विलियमस होरें नमें मानव रेटेउ अंतरिक्ष यान दे पैहले अभियान च उड़ान भरने आली पैहली महिला बनियै इतिहास रची दित्ता ऐ। एह उड़ान फ्लोरीडा के.केप कैनावेरल स्पेस फोर्स स्टेशन च स्पेस लांच काम्पलेक्स 41 से युनाइटेड लांच एलायंस दे एटलस बी राकेट थमां भरी गई ऐ। एह अभियान पिछले केई ब'रें दी देरी बाद शुरू होआ। पैहली मानव उडारी 7 मई गी निर्धारित कीती गई ही। पर हेलियम रिसाव दे कारण ते बाद च यूएलए च बिजली आपूर्ति दी समस्या दे कारण एहदे च देरी होई एह त्री कोशश ऐ ते प्रक्षेपण आस्तै मौसम बी 90 फीसदी साजगार हा।

<><><><><><><><>

French Open

फ्रेंच ओपन टेनिस दे सैमीफाइनल च रोहन बोपन्ना ते मैथ्यू एडबेन दी दुनिया दी दुए नंबरै दी भारत-आस्ट्रेलियाई जोड़ी दा मकाबला 11में नंबरै दी इतालवी सिमौन बोलेली ते एड्रिया वावसोरी दी जोड़ी कन्नै होग। मर्दे दे डबल्स च कल खेड्डे गेदे क्वार्टर फाइनल च भारत-आस्ट्रेलियाई जोड़ी नै दुनिया दी 10में नंबर दी बेल्जियम दे सैंडर गिल ते जोरान व्लिगेन दी जोड़ी गी 7-6, 5-7, 6-1 कन्ने हराया। इस जित्त दे कन्नै गै बोपन्ना नै त्रऊं ब'रें दे अंदर रोलांगैरा च दूई बारी पुरुष डबल्स दे सैमीफाइनल च थाहर बनाई ऐ।

